



UNIJA ZA ODRŽIVI POVRATAK I INTEGRACIJE U BOSNI I HERCEGOVINI

NGO sa specijalnim konsultativnim statusom pri
Ekonomskom i Socijalnom Savjetu
Ujedinjenih Nacija (od 1997)

2022

Adresa: Mihnivode 59, 71000 Sarajevo, BiH
Website: www.uzopibih.com.ba, www.bhselo.ba
E-Mail: ured@uzopibih.com.ba
Facebook: UzopiuBiH
Instagram: uzopi
Telefon: +387 33 239 604

IZVJEŠTAJ O RADU

SADRŽAJ

UVOD	3
ČLANICE UZOPI u BiH 2022	4
UČEŠĆE UNIJE U RADU INSTITUCIJA VLASTI U BiH	4
SARADNJA SA INSTITUCIJAMA VLASTI U BiH	5
SARADNJA SA MINISTARSTVOM ZA LJUDSKA PRAVA I IZBJEGLICE BiH	5
SARADNJA SA FEDERALNIM MINISTARSTVOM RASELJENIH OSOBA I IZBJEGLICA	5
SARADNJA SA LOKALNIM VLASTIMA I LOKALNIM ZAJEDNICAMA	5
SARADNJA SA DOMAĆIM NEVLADINIM ORGANIZACIJAMA I MREŽAMA	7
MREŽA ZA IZGRADNJU MIRA	6
UDRUŽENJE "ORHIDEJA" STOLAC	6
SASTANCI/KAMPANJE/KONFERENCIJE/MANIFESTACIJE/DOGAĐAJI/ TRENINZI	7
PROJEKTI/PROGRAMI UNIJE U 2022	14
FILMOVI UZOPI U BiH	17
RURALNI I AGRO TURIZAM - PREGLED	17
30 GODINA UZOPI U BiH	20
MENADŽERSKI TIM UZOPI U BiH	21

UVOD

Sažetak aktivnosti iz 2022. godine

Ruralni i agro turizam

Saradnja sa institucijama vlasti u
BiH na svim nivoima,
međunarodnim organizacijama i
ambasadama i saradnja sa
domaćim NVO i mrežama

Konferencije, sastanci, događaji

Terenske aktivnosti

Realizovani i aktuelni projekti
UZOPi u BiH u 2022. godini

-



[Domaćinstva](#)

[Blog](#)

[Aktivnosti](#)

[Domaći Proizvodi](#)

[Kontakt](#)

[Login](#)

BHS

Pretražite domaćinstva

Pretražite domaćinstva...



ČLANICE UZOPI u BiH 2022

Članicama UZOPI u BiH je dostavljen narativni i finansijski izvještaj za 2021.. godinu putem e-maila kako bi se izjasnile po pitanju istog i dostavile eventualne sugestije i primjedbe. Nakon što su se članice izjasnile da nemaju primjedbi na izvještaje, isti su usvojeni.

Također, održan je sastanak Upravnog i Nadzornog odbora Unije za održivi povratak i integracije u BiH.

UČEŠĆE UNIJE U RADU INSTITUCIJA VLASTI U BIH

Komisija/Povjerenstvo za izbjeglice i raseljena lica BiH

Predsjednica Unije za održivi povratak i integracije u BiH, Mirhunisa Zukić, prisustvovala je redovnim sastancima Komisije/Povjerenstva za izbjeglice i raseljene osobe BiH, u svojstvu posmatrača u ime NVO sektora.

Na sastancima je razmatrana dinamika realizacije aktuelnih projekata koji se finansiraju iz udruženih i kreditnih sredstava, kao i projekata stambene izgradnje u okviru Regionalnog stambenog programa koji se finansira iz donatorskih sredstava.

Na jednom od sastanaka, predsjednica je iznijela problem priključka povratničkih domaćinstava u naselju Biševići, opština Rudo. U tom naselju živi 30 porodica (27 povratničkih bošnjačkih porodica i 3 domicilne srpske porodice), koje smo obišli i uvidjeli da nemaju priključak električne energije, koja je prošla kroz selo ali ne i u njihova domaćinstva. Opština Rudo dobila je 100.000 KM za električnu energiju, ali ista nije nije došla u povratničke domove.



SARADNJA SA INSTITUCIJAMA VLASTI U BIH

Ministarstvo za ljudska prava i izbjeglice BiH

Unija za održivi povratak i integracije u BiH 2022. godini nastavila je saradnju sa predstavnicima Ministarstva za ljudska prava i izbjeglice BiH, prvenstveno kroz rad u Komisiji za izbjeglice u raseljena lica BiH.

Federalno ministarstvo raseljenih osoba i izbjeglica

Nastavljena je redovna saradnja sa predstavnicima Federalnog ministarstva raseljenih osoba i izbjeglica kroz učestvovanje na zajedničkim sastancima i razmjenama informacija o stanju i potrebama izbjegličko-povratničke populacije u BiH.

Saradnja sa lokalnim vlastima i lokalnim zajednicama

Unija za održivi povratak i integracije ima razvijenu veoma dobru saradnju sa predstavnicima lokalnih vlasti u BiH. Saradnja Unije i lokalnih vlasti je bazirana, kako na projektnim tako i na vanprojektnim aktivnostima. Uglavnom, predstavnici općina/opština se redovno odazovu na zajedničke sastanke sa Unijom, a također i podrže određene aktivnosti Unije, kao što je sufinansiranje projekata, kampanje, učestvovanje u projektnim aktivnostima Unije i dr.

U sklopu projektnih aktivnosti realizovana je saradnja sa lokalnim zajednicama, i to:

1. *Korak naprijed – razvoj ženskog preduzetništva u doba pandemije:* Jablanica, Konjic, Doboj, Kakanj, Tešanj i Jajce

2. *Jačanje uloge mladih lidera u lokalnim zajednicama formiranjem mreže mladih novinara/istraživača:* Sanski Most, Odžak, Lukavac, Maglaj, Čapljina, Zvornik, Bratunac, Doboj, Prijedor i Prnjavor.
3. *Povećanje odgovornosti procesa utroška javnih sredstava za održivi povratak:* Brčko Distrikt, Bosansko Grahovo, Drvar, Goražde, Doboj, Kakanj, Modriča, Rudo, Travnik, Vareš, Čajniče, Čapljina, Bratunac, Foča, Foča Ustikolina, Glamoč, Pale, Pelagićevo, Prijedor i Prnjavo

SARADNJA SA DOMAĆIM NEVLADINIM ORGANIZACIJAMA I MREŽAMA

Mreža za izgradnju mira

Nastavljena je dugogodišnja saradnja s Mrežom za izgradnju mira kroz razmjenu informacija i iskustava vezanih za rad i djelovanje NVO sektora u BiH.

Udruženje "Orhideja" Stolac

Na poziv udruženja "Orhideja" iz Stoca, dana, 23.8.2022. godine, organiziran je sastanak sa predsjednikom Unije za održivi povratak i integracije u BiH, Mirhunisom Zukić i lokalnim nevladinim organizacijama grada Stoca.

Tema sastanka: Odlazak građana Stoca, a posebno mladih iz BiH.

Istaknuto je da je prisutan dugogodišnji problem ignorantskog odnosa lokalnih vlasti kao i viših institucija prema građanima Stoca, posebno mladima kojima se ne nude osnovni uslovi za život. Ne postoji pristup javnim ustanovama i na taj način se zatvara komunikacija građana sa predstavnicima vlasti koji ne žele da imaju nevladine organizacije kao i ostale građane za sagovornika. Sve je politički usmjereno da se što više građana iseli.

Naročito treba istaći netransparentnost trošenja javnih sredstava za projekte NVO kao i za ostale namjene (ekonomska podrška, infrastruktura, socijalna pomoć i ostalo). Potpuna samovolja lokalne vlasti koja godinama drži većinu građana u diskriminaciji i zatočeništvu. Takvo stanje otežava implementaciju projekata koji bi se mogli finansirati od strane stranih agencija za razvoj i drugih donatora, a koji u svojim Javnim pozivima traže pisma preporuke od strane lokalnih vlasti. NVO imaju problem jer ne pripadaju njihovim političkim partijama.

Prisutne NVO će predložiti projekte iz oblasti ekonomske podrške građanima, posebno mladima, iz turizma, kulture i sporta, edukacija-obrazovanja, kroz socijalne projekte i ostalo, kako bi se potencijalni donatori i domaće institucije uključile u finansiranje i na taj način se zadržalo stanovništvo koje je ostalo da živi u gradu Stocu.



SASTANCI, KAMPANJE, KONFERENCIJE, MANIFESTACIJE, DOGAĐAJI, TRENINZI

Sastanci

Visoko

U kabinetu gradonačelnika grada Visoko, Mirze Ganića, održan je sastanak sa predstavnicima Unije za održivi povratak i integracije u BiH. Na sastanku je razgovarano o programu BH SELO, koji je baziran na individualni turizam, ali i poljoprivredi.

Ovaj sastanak je održan s ciljem da u svoje projekte uključimo i Visoko, u cilju jačanja ruralnog i agro turizma.

Gradonačelnik je naveo da će kroz program utroška sredstava za podršku biznisu definisati podršku osnivanju novih obrta ili dodatnih djelatnosti iz segmenta smještajnih kapaciteta, koji mogu povezati poljoprivrednu proizvodnju sa smještajem. Akcenat projekta će biti na ženama i mladim ljudima.

Kroz Programe BH SELO akcenat se stavlja na individualni turizam, poljoprivrednu proizvodnju, ali i promovisanje običnih ljudi koji nemaju načina da pokažu svoje usluge i proizvode, uz parolu: „Odmor bez luksuza i zvjezdica“.



Manifestacije

Kongres Svjetskog saveza dijaspora BiH

Danas (02.07.2022. godine) je u zgradi Parlamentarne skupštine BiH u Sarajevu održan XI Kongres Svjetskog saveza dijaspora Bosne i Hercegovine pod nazivom "Povezani Bosnom i Hercegovinom", a u organizaciji Svjetskog saveza dijaspora BiH (SSD BiH).

Programu XI Kongresa je ispred Unije za održivi povratak i integracije u BiH, prisustvovala predsjednica Mirhunisa Zukić. Tom prilikom je Predsjednica predstavila brend BHSelo.

Brend BHSelo kao takav je naišao na oduševljenje mnogih učesnika današnjeg XI Kongresa koji nisu bili upoznati s činjenicom da u Bosni i Hercegovini postoji nešto ovog tipa. S obzirom na to da i sami predstavnici Svjetskog saveza dijaspora Bosne i Hercegovine insistiraju da dijaspora ulaže u Bosnu i Hercegovinu, brend BHSelo predstavlja jedan pozitivan primjer koji su rado svi prihvatili.



Treninzi

Sarajevo

Predstavници Unije za održivi povratak i integracije u BiH učestvovali su u dvodnevnom treningu 'Studije i istraživanja' u organizaciji CRP Tuzla.



Hadžići

Dana 06.06.2022. godine u prostorijama Kulturnog centra u općini Hadžići održana je obuka pod nazivom „Projektni menadžment, upravljanje projektnim ciklusom i izrada projektne dokumentacije po LOD metodologiji“. Mladi ljudi su imali priliku da kroz ovu obuku steknu vještine pisanja prijedloga projekata, upoznaju se sa elementima projekta i postupkom popunjavanja projektne dokumentacije. Obuku za prisutne je pripremila Zorica Davidović koja je prenijela vlastita iskustva iz oblasti pisanja

projekata, a prisutnima se obratila i predsjednica Unije za održivi povratak i integracije u BiH Mirhunisa Zukić.

Mladi ljudi koji su prisustvovali obuci imali su priliku steći znanje o pisanju projekata kroz tri tematske cjeline:

- Programski okvir prijedloga projekta (projektni ciklus, upoznavanje sa aplikacijom, sažetak, analiza problema, definisanje ciljeva, ciljane grupe, rezultati, plan aktivnosti, monitoring, evaluacija;
- Finansije i budžet projekta (struktura troškova, planiranje budžeta, primjeri budžetskih formi);
- Gdje i kako tražiti potencijalne izvore finansiranja projektnih ideja;

Mladi momci i djevojke koji su prisustvovali obuci istakli su da je radionica bila korisna, zanimljiva, da su spremni za pisanje prvih projekata te da će i na taj način doprinosti razvoju lokalne zajednice i afirmaciji mladih osoba sa područja općine Hadžići.

Trening je finansijski podržan od strane općine Hadžići.



MHRR

U periodu 27. i 28. juni 2022. godine, Mreža za ruralni razvoj u Bosni i Hercegovini (MRRuBiH), u saradnji sa Centrom za ekonomski i ruralni razvoj (CERD) i Centrom za razvoj i podršku (CRP) je organizovala trening „Praćenje javnih politika vezanih za zaštitu životne sredine“. Trening je dio GreenWorks projekta koji finansira Europska unija.

Predstavnici Unije za održivi povratak i integracije u BiH su učestvovali u pomenutom treningu s ciljem unapređenja kvaliteta brenda BHSelo i njegove prepoznatljivosti u oblasti turizma. Ovo dragocjeno znanje ćemo ponuditi sadašnjim i budućim domaćinstvima BHSela, te na taj način doprinijeti razvoju njihove usluge i plasmanu domaćih proizvoda kako bi svojim gostima ponudili potpun ugođaj.



Green Works

Unija za održivi povratak i integracije u BiH je prisustvovala Green Works treningu „Negativan uticaj klimatskih promjena na zagađenje zemljišta“, održanom od strane Centra za ekonomski i ruralni razvoj – CERD tokom prethodne sedmice. Trening je održan u Banja Luci, te su otvorena brojna pitanja vezana za uticaj klimatskih promjena na društvo, zemljište i poljoprivredu. Živa diskusija, prijedlozi, pitanja i odgovori su bili odličan pokazatelj zainteresiranosti učesnika za ovu temu.

U okviru treninga upriličeno je i svečano potpisivanje 12 ugovora sa dobitnicima malih grantova u okviru GreenWorks projekta. Cilj implementacije ovih 12 projekata orijentisanih na lokalne zajednice, biće promocija zaštite životne sredine i važnosti uticaja civilnog društva.

Aktivnost je podržao Fond za zaštitu životne sredine i energetske efikasnosti RS, a treningu i potpisivanju ugovora za male grantove, prisustvovao je i predstavnik Delegacije Evropske unije u Bosni i Hercegovini.

Ova aktivnost je dio projekta „GreenWorks – Zeleni radovi, kojeg provodi CERD, Centar za razvoj i podršku (CRP) i Mreža za ruralni razvoj u Bosni i Hercegovini – MRR u BiH uz finansijsku podršku Evropska unija u BiH.



Također, predstavnici naše organizacije prisustvovali su dvodnevnom treningu u Tesliću za članice GreenWorks mreže na kom smo diskutovali, razmjenjivali znanje te prezentovali, prethodno završen, rad po grupama. Tema treninga je: "Učešće u donošenju odluka za zeleniju budućnost" a u organizaciji Mreže za ruralni razvoj u Bosni i Hercegovini

Ova aktivnost je dio projekta "GreenWorks" - Zeleni radovi" kojeg sprovodi Centar za razvoj i podršku (CRP), Mreža za ruralni razvoj u Bosni i Hercegovini - MRR u BiH i Centar za ekonomski i ruralni razvoj - CERD uz finansijsku podršku Evropske unije u Bosni i Hercegovini.



CRP/CERD

Predstavnici Unije za održivi povratak i integracije u BiH prisustvovali su dvodnevnom treningu koji je održan na Jahorini, na temu: "Zagađenje vazduha i zemljišta sa fokusom na poljoprivrednu proizvodnju i korišćenje fosilnih goriva i osnovnu zaštitu vazduha i zemljišta".

Trening se sprovodi u okviru projekta GreenWorks - Zeleni radovi - uticaj civilnog društva na smanjenje zagađenja zraka i zemljišta, kojeg implementira Centar za razvoj i podršku CRP u saradnji sa Centrom za ekonomski i ruralni razvoj - CERD i Mrežom za ruralni razvoj u BiH - MRRBiH, finansira Evropska unija u okviru Programa podrške civilnom društvu i medijima u Bosni i Hercegovini 2019 - Podrška postojećim i novo-osnovanim mrežama organizacija civilnog društva u raznim oblastima.

Ovakvi treninzi umnogome će pomoći našoj organizaciji na jačanju brenda BHSELO kao i samih domaćinstava, kako onih koja su već uključena tako i onih i budućih.



UN WOMEN BiH

Predstavnici Unije za održivi povratak i integracije u BiH sudjelovali su u Banjoj Luci od 7. do 9. decembra u dvije obuke za sektorske organizacije civilnog društva o rodnoj ravnopravnosti u procesima programiranja IPA III.

Osim što su prošli kroz osnovne koncepte roda, integrisanje rodne perspektive i gender analize, učesnici/e su imali priliku primijeniti teoriju u praksi. U malim grupama, morali su identifikovati elemente rodne analize u akcionim dokumentima iz svog sektora i stvoriti vlastiti prijedlog za IPA projekat koji uključuje rodnu analizu.

Učestvovalo je ukupno 20 OCD iz sektora poljoprivrede i ruralnog razvoja, konkurentnosti i inovacija, demokratije i vladavine prava, životne sredine, zapošljavanja i bezbednosti.

Obuke su organizovane u sklopu projekta „EU Podrška za rodnu ravnopravnost“, koji finansira Evropska unija u Bosni i Hercegovini i sufinansira i sprovodi UN Women.



Transparency International

Predstavnici naše organizacije učestvovali su na radionici "Kako do uspješnog zagovaranja" koju je organizovao Transparency International u Bosni i Hercegovini (TI BiH).

Osnovni cilj radionice odnosio se na upoznavanje učesnika sa procesom zagovaranja, sa posebnim akcentom na društveno-politički kontekst, pripremne alate zagovaranja, studije slučaja i tehnike zagovaranja.

Pored toga, učesnici radionice su imali priliku, kroz interaktivne metode rada, spoznati koristi zagovaranja, te naučiti kako primijeniti tehnike zagovaranja u praksi.



PROJEKTI/PROGRAMI UNIJE U 2022. GODINI

Ruralni turizam

Korak naprijed – razvoj ženskog preduzetništva u doba pandemije

Unija za održivi povratak i integracije u BiH implementirala je projekat „Korak naprijed – razvoj ženskog preduzetništva u doba pandemije“, koji je finansiran od strane Kanadskog fonda za lokalne inicijative (CFLI), a isti je implementirala Unija za održivi povratak i integracije u BiH.

U sklopu projekta, kroz modul „Vodič za kolaboratore u ruralnom turizmu“, educirano je 12 mladih kolaboratorki koje su radile na identifikovanju ženskih seoskih domaćinstava koja imaju kapacitete da se bave ruralnim i agro turizmom na području Jablanice, Doboja, Konjica, Tešnja, Kaknja i Jajca

Mlade kolaboratorke su, kroz svoje aktivnosti, a u cilju identifikovanja domaćinstava, uključile sve relevantne aktere u jednoj lokalnoj zajednici: lokalne vlasti, lokalne turističke organizacije, turističke

agencije i lokalne NVO. Saradnja svih relevantnih aktera doprinijela je uspješnoj realizaciji ovih aktivnosti gdje je na terenu identifikovano (popunjeni upitnici i kreirane fotografije) 37 domaćinstava.

Nakon toga provedene su edukacije seoskih domaćinstava i lokalnih NVO iz šest projektnih općina. Ukupno je edukovano 37 domaćinstava u sklopu tri trening modula: razvoj turističke ponude; promocija i plasman ponude; komuniciranje s tržištem i okruženjem (umrežavanje).

Turističke ponude seoskih domaćinstava postavljene su i prezentovane putem web stranice www.bhselo.ba.



Mladi

Sa početkom mjeseca septembra, Unija za održivi povratak i integracije u BiH je započela sa implementacijom novog projekta pod nazivom „Jačanje uloge mladih lidera u lokalnim zajednicama formiranjem mreže mladih novinara/istraživača“. Projekat je finansiran od strane Kanadskog fonda za lokalne inicijative (CFLI), a provodi se u 10 općina: Sanski Most, Odžak, Lukavac, Maglaj, Čapljina, Zvornik, Bratunac, Doboj, Prijedor i Prnjavor.

Ovim projektom se želimo fokusirati na mlade koji su ranjiva kategorija i ne pruža im se mogućnost da javno artikuliraju svoje probleme. Mediji za javno informisanje nemaju prostora za kvalitetno i kontuirano pokrivanje ovih pitanja. U odabranim općinama, kombinacijom novih komunikacionih sistema i tradicionalnih medija, želimo da stvorimo platformu za rješavanje problema „višak-manjak struke“, rješavanje problema prvog zaposlenja mladih osoba, izvještavanje o potrebama mladih na terenu, te zagovaranje ove teme kako bi vlade kreirale modele i mehanizme za uspostavljanje prihvatljivijeg okruženja za mlade i probleme sa kojima se susreću.



ACFC

Naša organizacija implementirala je projekat "Povećanje odgovornosti procesa utroška javnih sredstava za održivi povratak", koja je dio šireg programa Podrška građanima protiv korupcije, koji je finansijski podržan od strane Američke agencije za međunarodni razvoj(USAID), a koji provode Centri Civilnih Inicijativa (CCI) kao glavni implementator.

U susret Međunarodnom danu borbe protiv korupcije koji se obilježava 9. decembra, Unija za održivi povratak i integracije u BiH (UZOPI) danas je upriličila prezentaciju dokumenta pod nazivom "Analiza utroška javnih sredstava namjenjenih povratnicima", koja je obuhvatila 20 općina u oba bh entiteta sa fokusom na nenamjensko i netransparentno trošenje javnog novca.

Radi se o dokumentu, koji na 45 strana sa tekstualnim sadržajima, grafičkim i tabelarnim prikazima, foto i video sadržajima, prezentira nepravilnosti, loše prakse, zloupotrebe i neefikasnosti u realizaciji projekta stambene rekonstrukcije, infrastrukture, zapošljavanja, obrazovanja, socijalne zaštite, sigurnosti, zaštite od mina, zdravstvene zaštite, naknade štete.

To je prvi put u BiH da se u jednom dokumentu iznose loši primjeri trošenja javnog novca sa svih nivoa vlasti, od državnog preko entitetskih resornih ministarstava, kantona, općina i međunarodnih donacija. Kroz monitoring 20 općina, argumentovano i sa konkretnim primjerima se opservira i prezentira utrošak javnog novca na način koji nije transparentan i namjenski. I kad projekt nije doveden do krajnje namjene, ostaje otvoreno pitanje koliko se nenamjenski novac trošio.

Uz Analizu trošenja javnih sredstava za povratnike koja je obuhvatila period od 2018. do 2021.urađena je sveobuhvatna Baza podataka o izdvojenim sredstvima za projekte povratka sa preciznim podacima koliko je novca izdvojeno pojedinačno sa svakog nivoa vlasti za 20 općina.

Nezavisni monitoring tim UZOPI-a, sastavljen od 20 monitora, identificirao je primjere netransparentnog trošenja javnog novca, nedovršene infrastrukturne objekte, i prakse političkog usmjeravanja novca radi kupovine glasova uoči izbora. Istaknute su i zloupotrebe položaja od strane donosioca odluka. Tako je u MZ Crni Lug u Bosanskom Grahovu asfaltiran seoski put do kuće roditelja bivšeg načelnika Općine. U Drvaru je stambena zgrada sagrađena prije nekoliko godina, i nije useljena jer nema kanalizacioni priključak. U Čapljini egzistira kolektivni centar za bolesnim i starim raseljenim licima, koja 27 godina od potpisivanja Dejtonskog sporazuma i završetka rata nisu stambeno zbrinuti. U nekoliko sela u Foči, povratnici žive bez struje, a samo su 70 kilometara udaljeni od zgrade Predsjedništva BiH! Ista situacija je u selu Biševići u Rudom, gdje povratnici žive uz svijeću. Tzv. prva faza elektrifikacije kojom je struja urađena do trafo stanice je prije nekoliko godina završena, sa neizvjesnim rokom implemetacije druge faze koja znači priključenje domaćinstava na struju. U Bosanskom Grahovu u MZ Crni Lug je novosagrađena škola koja nije nikad stavljena u funkciju, jer nema učenika. Škola bude otključana samo u vrijeme izbora, jer služi kao glasačko mjesto.

Monitori su zabilježili i druge primjere netransparentnog trošenja novca. U usporedbi za ukupnim sumama novca koje su izdvojene za posmatrane općine, na terenu se malo toga prepoznaje kao funkcionalna i koristan projekt za poboljšanje života povratnika.

Očigledan je disparitet u prikazanim izvještajima o realizaciji projekata sa onim što je stanje na terenu.

Stoga su u Analizi na osnovu svega što je identificirano, dati zaključci sa konkretnim preporuka kako eliminirati loše prakse na dobrobit povratnika.

Monitoring je obuhvatio: Brčko Distrikt, Bosansko Grahovo, Drvar, Goražde, Doboje, Kakanj, Modriča, Rudo, Travnik, Vareš, Čajniče, Čapljina, Bratunac, Foča, Foča Ustikolina, Glamoč, Pale, Pelagićevo,

Prijedor i Prnjavor. Ove općine i gradovi su odabrani nakon provedenog istraživanja kojim je ustanovljeno da se najviše projekata održivog povratka realizovalo na području tih općina za period 2018 - 2021. godina.

Analiza kao i Baza podataka o utrošku javnih sredstava za povratnike dostupni su na web stranici UZOPI (www.uzopibih.com.ba).



FILMOVI UZOPI U BiH

Pored velikog broja turističkih destinacija u Evropi i šire, BiH je jedna od omiljenih. Svjesni vrijednosti koje posjedujemo, onoga što kao jedna mala zemlja možemo ponuditi, sa znanjem i vještinama koje su stekli, mladi članovi Unije za održivi povratak i integracije u Bosni i Hercegovini su se potrudili i pronašli domaćinstva širom Bosne i Hercegovine koja će predstaviti sebe, svoje domaćinstvo, lokalnu zajednicu ali i cijelu zemlju na najbolji način te ponuditi gostima potpun ugođaj kroz svoje usluge i plasman domaćih proizvoda.

U tu svrhu, kreirali smo film pod nazivom "Živimo od prirodnih ljepota Bosne i Hercegovine", koji je finansijski podržan od strane Kanadskog fonda za lokalne inicijative (CFLI).

Film možete pogledati na našem youtube kanalu na linku: <https://youtu.be/A4893YN3IbQ>.

RURALNI I AGRO TURIZAM - PREGLED

Unija za održivi povratak i integracije u BiH je još 2015. godine pokrenula projekte koji se odnose na promociju i implementaciju individualnog seoskog i agro turizma u lokalnim zajednicama u Bosni i Hercegovini. U tu svrhu pokrenuli smo niz aktivnosti u cilju identifikovanja, a potom educiranja i promovisanja, domaćinstava koja se bave ili imaju kapacitete da se bave ruralnim i agro turizmom. Naša organizacija je identifikovala veliki broj zainteresovanih porodica koje imaju smeštajne

kapacitete, ali im je potrebna pomoć za početak poslovanja, povezivanje sa lokalnim turističkim agencijama i organizacijama, kao i drugim turističkim kapacitetima i dijasporom. Na osnovu izraženog interesa stanovnika i općina i raspoloživih kapaciteta, Unija je prepoznala potencijale u ovoj oblasti i dizajnirala aktivnosti za povećanje socio-ekonomskih mogućnosti građana.


U tu svrhu pokrenut je web portal www.bhselo.ba. BH SELO nastoji da unaprijedi ruralna područja koja imaju velike mogućnosti za razvoj turističkih kapaciteta u Bosni i Hercegovini. Želimo motivisati i podržati što više osoba, koje žive u ruralnim sredinama, da se organizovano bave pokretanjem sopstvenog biznisa kroz otvaranje saskih domaćinstava i ukazati im na mogućnosti koje nude ruralna područja. Koristeći dobre prakse, nastojimo kreirati rješenja koja su realna i izvodljiva.

U nastavku donosimo pregled pojedinih seoskih domaćinstava, a o samoj turističkoj ponudi moguće je pronaći sve potrebne informacije na web portalu www.bhselo.ba.



📍 Kakanj

Seosko domaćinstvo „FETIĆ“



📍 Doboj

„Eko-resurs“ turistički kompleks



📍 Doboj

Vikendica sa 5 zvjezdica



📍 Mrkonjić Grad

Pansion Opendorf



📍 Jablanica

Auto kamp „MIRIS LJETA“



📍 Jajce

MOTEL „KONOBA SLAPOVI“



📍 Konjic

UR „VILA NERETVA“



📍 Ključ

Bungalov "Ključ"



📍 Travnik

Green forest house



📍 Travnik

Vikendica "Carpe diem"



📍 Teslić

Ribnjak i smještaj kod Luisa



📍 Foča

Rafting kamp "Rajska Rijeka"

30 GODINA UZOPI U BiH

U proteklih 30 godina rada naša organizacija je stekla partnerski odnos i povjerenje naših članica lokalnih NVO, volontera, opština/ gradova u BiH, poslovnih partnera, mjesnih zajednica, obrazovnih institucija kao i međunarodnih organizacija u našoj zemlji i van BiH.

U Njujorku 1998. godine dobili smo "NVO sa Specijalnim Konsultativnim Statusom Ujedinjenih Nacija.

Kao partneri domaćim i stranim organizacijama aktivno učestvujemo na implementaciji ANEXA VII Dejtonskog mirovnog sporazuma (obnova do sada 335.000 stambenih jedinica, zapošljavanju, obrazovanju, socijalnoj zaštiti i drugim segmentima).

Tu smo do okončanja Anexa VII Dejtonskog mirovnog sporazuma, uvjereni u uspjeh naše misije i saradnje sa vama, našim članicama i poslovnim partnerima.

MENADŽERSKI TIM
UNIJE ZA ODRŽIVI POVRATAK I INTEGRACIJE U BOSNI I HERCEGOVINI

Mirhunisa Zukić, predsjednik

Rasim Bečirović, sekretar

Dženan Mašetić, koordinator na projektima

Amila Mujić, projekt asistent

Amira Cerović, finansijski asistent

Zorica Davidović, konsultant

Mario Nenadić, expert za monitoring

Bisera Džidić, long time expert